



22
57

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 05/08), a u vezi člana 69. stav (1) tačka a) i 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), na preporuku Komisije za javne nabavke u Zapisniku o konačnoj ocjeni ponuda, broj: 03/5-49-11437-19/2018 od 28.11.2018. godine, Vlada Unsko-sanskog kantona na sjednici održanoj dana 29.11.2018.godine, d o n o s i :

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javne nabavke za predmet ugovora „Nabavka i zamjena auto-guma“ i dodjeljuje se ugovor prvorangiranom ponuđaču „Guma-M“ d.o.o. Mostar, prema dostavljenoj Ponudi, 298-11/18V od 27.10.2018. godine u ukupnoj vrijednosti od 13.208,60 KM bez PDV-a, odnosno 15.454,06 KM sa PDV-om i popustom.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.uzp.vladausk.ba, istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Na osnovu Zaključka Vlade Unsko-sanskog kantona, broj: 03-017-2726/2018 od 11.10.2018.godine, Ured za zajedničke poslove je u ime ugovornog organa Vlade Unsko-sanskog kantona objavio na Portalu javnih nabavki Obavještenje o nabavci, broj: 928-7-1-51-3-26/18 od 16.10.2018. godine, za predmet ugovora: „Nabavka i zamjena auto-guma“, putem konkurentskog zahtjeva za dostavu ponuda.

Po isteku roka za podnošenja ponuda (02.11.2018. godine do 12,00 sati) evidentirano je da su blagovremeno zaprimljene četiri ponude, i to:

1. „Unitrade“ d.o.o. Ljubuški, broj: 03/5-49-11437-4/18 od 31.10.2018. godine u 10.40h,
2. „Guma M“ d.o.o. Mostar, broj: 03/5-49-11437-5/18 od 31.10.2018.godine u 11.10h,
3. „Total trade“ d.o.o. Doboj, broj: 03/5-49-11437-6/18 od 02.11.2018. godine u 09.30h,
4. „Primaprom“ Banja Luka, broj: 03/5-49-11437-7/18 od 02.11.2018. godine u 11.30h.

Neblagovremeno pristiglih ponuda do javnog otvaranja u ovom postupku nije bilo.

Uvidom u ponude ponuđača „Unitrade“ d.o.o. Ljubuški i „Guma M“ d.o.o. Mostar, Komisija je konstatovala da su ponuđene neprirodno niske cijene, te je aktom broj: 03/5-49-11437-9/2018 od 5. 11. 2018. godine zatražila obrazloženje o ponuđenim neprirodno niskim cijenama. Rok za dostavljanje obrazloženja je bio 09. 11. 2018. godine do 12 sati. Dana

06.11.2018. godine ponuđač „Guma M“ d.o.o. Mostar dostavio je akt broj: 298-11-01/18V, odnosno obrazloženje o ponuđenim cijenama u kojem navodi da je ponuđač od kojeg vrše nabavku guma veliki uvoznik guma, te su pojasnili kako su došli do ponuđenih cijena. Dana 13.11.2018. godine ponuđač „Unitrade“ d.o.o. Ljubuški dostavio je obrazloženje, međutim nakon isteka roka za dostavljanje obrazloženja 09.11.2018. godine do 12,00 sati.

Nadalje, u postupku provjere računske ispravnosti Komisija je na sastanku održanom 16.11.2018. godine donijela zaključak da prije utvrđivanja prihvatljivosti ponuda zatraži i ispravku greške u računanju cijene, od sljedećih ponuđača: „Unitrade“ d.o.o. Ljubuški, „Guma M“ d.o.o. Mostar i „Total trade“ d.o.o. Doboj. Rok za dostavljane ispravke je bio 20.11.2018. godine do 12,00 sati. Ponuđači „Unitrade“ d.o.o. Ljubuški, „Guma M“ d.o.o. Mostar i „Total trade“ d.o.o. Doboj su u naznačenom roku dostavili pismenu ispravku kojom su prihvatili računsku grešku.

Uvidom u priloženu dokumentaciju i suštinsku provjeru validnosti dokumentacije, Komisija je utvrdila da ponuda ponuđača „Guma M“ d.o.o. Mostar i „Primaprom“ d.o.o. Banja Luka ispunjavaju formalno pravne i tehničke zahtjeve ugovornog organa, te da su prihvatljive i mogu biti predmet vrednovanja, dok ponuđači „Unitrade“ d.o.o. Ljubuški i „Total trade“ d.o.o. Doboj ne ispunjavaju uvjete tražene tenderskom dokumentacijom. Naime, Komisija je konstatovala da je ponuđač „Unitrade“ d.o.o. Ljubuški ponudio neprirodno nisku cijenu, te je aktom broj: 03/5-49-11437-9/2018 od 05. 11. 2018. godine zatražila obrazloženje o ponuđenim neprirodno niskim cijenama. Rok za dostavljanje obrazloženja bio je 09. 11. 2018. godine do 12,00 sati, međutim, „Unitrade“ d.o.o. Ljubuški je dostavio obrazloženje o ponuđenim cijenama, putem e-mail-a 13.11.2018. godine, nakon utvrđenog roka. Nadalje, ponuđač „Unitrade“ d.o.o. Ljubuški dostavio je potvrde banaka (Raiffeisen Bank, NLB banka, ADDIKO banka, UniCredit Bank, Intesa Sanpaolo banka i Sparkasse Bank), u kojima je navedeno da nisu blokirani posljednjih 12 mjeseci, međutim niti na jednoj potvrdi nije naznačen transakcijski račun kao „glavni“, kako je to traženo TD. Ponuda istog je ocijenjena kao neprihvatljiva tj.odbacuje se.

Uvidom u ponudu ponuđača „Total trade“ d.o.o. Doboj Komisija je konstatovala da je u potvrdi banke u kojoj ponuđač ima otvoren transakcijski račun koji je određen kao „glavni“ navedeno da isti nije blokirani u periodu od 30.05.2018. do 30.10.2018. godine, odnosno 5 mjeseci, a ne u posljednjih 6 mjeseci kako je traženo TD. Ponuda istog je ocijenjena kao neprihvatljiva tj.odbacuje se.

Komisija je sačinila spisak kvalifikovanih ponuđača sa ponuđenom početnom cijenom i dostavila Uredu za zajedničke poslove radi zakazivanja e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/2016).

E-aukcija je zakazana i održana 22.11.2018. godine sa početkom u 15,00 sati, te je pomoću automatskih metoda ocjenjivanja u informacionom sistemu e-Nabavke automatski izvršeno rangiranje ponuđača, shodno utvrđenom kriteriju „najniža cijena“ na osnovu koga je redoslijed - rang lista ponuđača koji su učestvovali u e-aukciji sljedeća:

1. „Guma M“ d.o.o. Mostar, sa konačnom cijenom od 13.208,60 KM bez PDV-a;
2. „Primaprom“ d.o.o. Banja Luka, sa konačnom cijenom od 28.596,00 KM bez PDV-a.

Na osnovu naprijed navedenog ugovorni organ donosi Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet (5) dana od dana prijema ove odluke i to u pismenoj formi i u dovoljnom broju primjeraka, a koji ne može biti manji od tri.

Broj: 03-017-81/2018
Bihać; 29.11.2018.godine

